

einem rechtschaffenen Soldaten erfordert/ an ihnen findet: dann da ist keine Treue/kein Aufrichtigkeit/kein Freundschaft vnd keine Lieb in Summa zur Tugend/sondern allerhand Bypigkeit ist genug da/ der Leib vnd alle Geberde sind weibisch/weiche Hände/prachtige geschmückte Kleidung/dz Angesicht ein rechter Hurenspiegel/gekräuselte vnd auffgebüffte Haar/vnd endlich das Herk voller Büberen/vnd ist endlich so weit komen/das man nit viel Martes, sondern lauter Adonides, Cupidines, Ganimeses, welche nit eine Bellona oder Pentasilaa mit angegürtetem Schwerdt nachfolget/sondern nur Venus,dz man offtermals mehr Huren als Soldaten in einem Läger findet. Veneben dem/so zeucht auch Bacchus gemeiniglich mit in vnsern Kriegen/dz man viel mehr Trinckgeschirz im Läger hat/vnd dieselbige fleissiger braucht/ als die Wassen/darüber dann manches Heer zu scheitern gehet. Sterops vnd Brontes sind auß des Vulcani Werckstatt entlossen/ Hercules sitzet für seiner Omphale vnd spinnet/Achilles zeucht Jungfrawen Kleyder an/oder procket vber seiner Briseide, wann man streiten solte: Agamemnon sitzet in seinem Frawenzimmer vnd kurtweilet/wan man nothwendigen Anschlägen solte nachdencken. In Summa/es haben die edelste Gemüther ein Brausen vnd Abscherw für dem Krieg/welches allein daher entstehet/dierweil die heutige Militia ist zu einer Grundtruhr aller vntüchtigen Schlingel/ein Schaum aller Buben/vn ein Uberschuß aller Vntrew wordē/da man wenig findet/die nach Soldatischer Ehre trachten/die auß muthigem vnd adelichem Herken gedencen/wie sie mögen Ehre vnd Ruhm erlangen/sondern nichts anders/als ein freymuthwillig/vnbendig/vnd in allen Lastern ersoffen Gefindlein/durch welche die Militia in eusserste Verachtung gebracht wirdt.

Damit ich aber nit einem zu langem Discurs von den vnsoldatischen Soldaten die Dhren der rechtschaffenen vnd aufrichtigen Landtsknechte nicht beschwere/welche nit wol können leyden/das man vbel von der Militia redet/vnd vermeynen/es geschehe ihnen auch zur Schmach/will ich allhier abbrechen/vnd mich nach andern Leuthen umbsehen.

### ANNOTATIO.

Petrus Victorius hat viel in seinen Büchern de varia lectione, so zur Militia gehört/allda mag man nachsuchen/sonderlich pag. 129. 136. vnd 137. Desgleichen auch Petrus Crinitus, de honesta disciplina, cap. 2. Item Weckerus in seinem Buch de Secretis, fol. 369. vnd 755. Man schla-ge auch nach in Polybio, vnd in dem Caualcante, so darüber commentirt. Desgleichen bey dem Cardinali Polo, dem Patritio supra Polybium, dem Tartallia, vnd dem Cornazzano.

Zwey vnd achtzigster Discurs.

### Von Legaten vnd Botschafften.

Der Name Legatus ist (wie Carolus Sigonius lib. 2. de Antiquo iure ciuium Romanorum bezeuget) auff vnderschiedliche Weise gebraucht vnd verstanden worden. Insonderheit aber pflegten die Römer die also zunennen/welche in den Provinzien/so den Römern vnderworfen/ihre Residenz gehabt/vn des Raths zu Rom Statthalter gewesen/darzu dahin verordnet vnd abgefertiget/das sie dieselbige regieren/